



UNIVERSITÄTS-
BIBLIOTHEK
PADERBORN

**Die xviiij. Septembris. In Festo Sancti Josephi A Cupertino
Confessoris, Ordinis Minorum Sancti Francisci
Conventualium**

Paderbornæ, 1770

Lectio III. Cap. 12. v. I. ad 10.

[urn:nbn:de:hbz:466:1-62850](https://nbn-resolving.org/urn:nbn:de:hbz:466:1-62850)

tem, & bonam voluntatem habemus magis peregrinari à corpore: & præsentem esse ad Dominum. *R.* Justus germinabit &c.

Lectio III. Cap. 12. v. 1. ad 10.

Si gloriari oportet (non expedit quidem) veniam autem ad visiones, & revelationes Domini. Scio hominem in Christo ante annos quatuordecim (sive in corpore, sive extra corpus, nescio, Deus scit) raptum hujusmodi usque ad tertium cælum. Et scio hujusmodi hominem (sive in corpore, sive extra corpus, nescio, Deus scit) quoniam raptus est in Paradisum; & audivit arcana verba, quæ non licet homini loqui. Pro hujusmodi gloriabor: pro me autem nihil gloriabor, nisi in infirmitatibus meis. Nam, & si voluero gloriari, non ero insipiens: veritatem autem dicam: parco autem, ne quis me existimet supra id, quod videt in me, aut aliquid audit ex me. Et ne magnitudo revelationum extollat me, datus est mihi stimulus carnis meæ angelus Satanæ, qui me colaphizet. Propter quod ter Dominum rogavi, ut discederet à me: & dixit mihi: sufficit tibi gratia mea; nam virtus in infirmitate perficitur. Libenter igitur gloriabor in infirmitatibus meis, ut inhabitet in me virtus Christi. *R.* Iste cognovit justitiam &c.